

Бақара 110. Намозни қоим қилинг, закотни беринг...

03:18 / 29.05.2017 3263

مَيِّخْرِلًا نَمُحَّرِلًا ءَلَلًا مَسَب

دَنَعُ هُوَ دَجَّتِ رِيْحٌ نَّمُّ مَكْسُفَنَ أَلْ أُوْمِدَّقُتْ أَمَوَ ءَاكْزَلًا أُوْتْ أَوَ ءَالْ صِلَا أُوْمِي قَاو
رِي صَبَّ نَوُلْمَعَتْ أَمَبَ ءَلَلًا نِ ءَلَلًا

Бақара 110. Намозни қоим қилинг, закотни беринг. Ўзингиз учун нимаики яхшилик тақдим қилсангиз, уни Аллоҳнинг ҳузурида топасиз. Албатта, Аллоҳ нима амал қилаётганингизни кўриб турувчидир.

Оят кофирлар билан тенглашмай, уларни афв этиб, уларга нисбатан кечиримли бўлиб, унинг ўрнига фойдали ишлар билан – қиёматда манфаат берадиган намоз ўқиш, закот бериш каби бадан ва мол ибодатлари ила машғул бўлишга чақирмоқда. «Намозни қоим қилинг» жумласи «Намоз ўқинг» дегандан кўра бир неча баробар кучли ифодадир. Намоз худди бино қилиш, турғизиш лозим бўлган нарса-ю, шуни тўлиқ адо этиш зарурлигини англатади.

«Ўзингиз учун нимаики яхшилик тақдим қилсангиз...» бирикмасидан биламизки, демак, инсон нимаики яхшилик қилса, фойдаси ўзигадир ва савобини топажакдир.